

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KTPO 0058149 24
Zenica, 03.07.2024. godine**

**OPĆINSKI SUD U ZENICI
sudija za prethodno saslušanje
ZENICA**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

H.U., osuđivan 2 puta 2016. godine zbog krivičnog djela iz člana 183. stav 1. i 2. i člana 222. stav 1. KZ FBiH, uvjetnim osudama ,

Što je,

U vremenskom periodu od tačno neutvrđenog dana 2017. godine pa do 13.04.2022. godine neovlašteno se u većem obimu bavio trgovinom na način da je bez registrovanog privrednog društva za trgovačku djelatnost ili drugog oblika registrovane djelatnosti, vršio nabavku raznih putničkih motornih vozila u cilju dalje prodaje, uključujući i registrovanje vozila na bliske srodnike, primao narudžbe i dogovarao cijene i isporuke ali i na drugi način dogovarao i vršio dalju prodaju vozila i posredovao u prodaji vozila, sve vrijeme svjestan i znajući da se bavi trgovinom u većem obimu bez ovlaštenja za trgovinu, što je i htio, pa je tako trgovao sa sljedećim putničkim motornim vozilima:

1. Dana 09.03.2017. godine, posredstvom J.E. kupio od S.H. u cilju prodaje PMV marke „Renault“ registarskih oznaka ..., broj šasije ... po cijeni od 3.000,00 KM sa kojim je sačinio Ugovor u „Central osiguranju“,
2. Dana 12.04.2018. godine prodao M.Z. vozilo koje je nabavio u cilju prodaje i to PMV marke „Audi A4“ registarskih oznaka ..., broj šasije ... po cijeni od 3.000,00 KM sa kojim je sačinio Ugovor broj 31652 u preduzeću „NAS team“ Travnik,
3. Tačno neutvrđenog dana, u mjesecu novembru 2018. godine prodao H.M. vozilo koje je nabavio u cilju prodaje i to PMV marke „VW“, registarskih oznaka ..., broj šasije ... za iznos od oko 7.500,00 KM,

4. Tačno neutvrđenog dana, u toku 2018. godine nabavio od T.A. u cilju prodaje PMV marke „VW“, registarskih oznaka ..., broj šasije ... tako što je izvršio kompenzaciju za jednog skutera i 4 gume,
5. Početkom 7-og mjeseca 2020. godine od I.J. nabavio u cilju prodaje PMV marke „Kia“, registarskih oznaka ..., broj šasije ..., tako što je zaključio Kupoprodajni ugovor sa M.A. koji je navedeno vozilo prodao I.J. u zamjenu za PMV marke „Mercedes“ i doplatu iznosa od oko 7.000,00 KM, a koje je potom na neutvrđen način prodao,
6. Dana 05.08.2020. godine prodao H.S. vozilo koje je nabavio u cilju prodaje marke „Audi“ registarskih oznaka ..., broj šasije ... po cijeni od 14.000,00 KM tako što je izvršio zamjenu za drugo vozilo uz doplatu od 8.500,00 KM koja mu je isplaćena u gotovini u dva navrata u iznosima od 3.000,00 KM i od 5.500,00 KM sa kojom je sačinio Ugovor broj 04126 u preduzeću „Modul int“ d.o.o. Tuzla,
7. Tačno neutvrđenog dana u 2020. godini nabavio u cilju prodaje i prodao S.E. PMV marke „Opel“, registarskih oznaka ..., broj šasije ... po cijeni od 7.000,00 KM koje mu je plaćeno kompenzacijom tj. zamjenom za drugo PMV „Peugeot 207“ uz doplatu od 2.000,00 KM,
8. Početkom 2021. godine nabavio u cilju prodaje PMV marke „Peugeot“ koje je prodao B.S. po cijeni od 2.000,00 KM
9. Tačno neutvrđenog dana, u februaru 2021. godine, kupio od L.J. u cilju prodaje PMV marke „VW Pasat“, registarskih oznaka ..., broj šasije ..., tako što je zamijenio za dva vozila i doplatu razlike od oko 3.000,00 KM,
10. Dana 26.05.2021. godine kupio u cilju prodaje PMV marke „VW Golf“, registarski broj ..., broj šasije ... koje je H.H. kupio od lica po imenu F. za iznos od 5.200,00 KM,
11. Dana 30.06.2021. godine nabavio u cilju prodaje i prodao vozilo marke „VW Haeton“, broj šasije ... koje je K.E. kupio na ime brata K.A. za iznos od oko 8.000,00 KM,
12. Dana 08.07.2021. godine nabavio od H.E. u cilju prodaje PMV marke „Audi“ registarskih oznaka ... po cijeni od 35.000,00 KM, tako što je izvršio zamjenu za PMV „BMW“ i doplatio iznos od 5.000,00 Eura o čemu je sačinjen Kupoprodajni ugovor u „AM-Company“,
13. Tačno neutvrđenog dana, a prije 15.09.2021. godine od A.M. nabavio u cilju prodaje PMV marke „Renault“ registarskih oznaka ..., broj šasije ... za iznos od 2.000,00 KM sa kojim je sačinio Ugovor kod komisionara „Middle Point“ d.o.o. Zenica,
14. Tačno neutvrđenog dana, a prije 15.11.2021. godine, nabavio u cilju prodaje PMV marke „OMV Dacia“, registarskih oznaka ..., broja šasije ... koje je prodao T.A. po cijeni od 3.500,00 KM, odnosno u zamjenu za PMV marke „Seat“ i doplatu iznosa od 1.200,00 KM sa kojim je sačinio Ugovor u osiguranju „Dunav“ ,
15. Tačno neutvrđenog dana, u toku 2021. godine, nabavio u cilju prodaje PMV marke „VW“, registarskih oznaka ..., broj šasije ... koje je posjedovala M.R.,

16. Tačno neutvrđenog dana u 2021. godine nabavio od L.J. PMV marke „Passat“ tako što mu je u zamjenu za to vozilo dao dva vozila i to „Opel“, registarskih oznaka ..., broj šasije ... i PMV „Golf“,
17. Tačno neutvrđenog dana, u toku 2022. godine, prodao Š.M. vozilo koje je nabavio u cilju prodaje marke „Mercedes-benz“, registarskih oznaka ..., broj šasije ..., po cijeni od 2.500,00 KM sa kojim je zaključio Ugovor u osiguranju „Dunav“ u Zenici,
18. Tačno neutvrđenog dana u 2022. godini nabavio u cilju prodaje i prodao D.A. PMV marke „Opel“, registarskih oznaka ..., broj šasije ... za iznos od oko 9.000,00 KM,
19. Tačno neutvrđenog dana u 2022. godine nabavio u cilju prodaje i prodao Š.A. PMV marke „Lancia“, registarskih oznaka ..., broj šasije ... po cijeni od oko 6.000,00 KM,
20. Tačno neutvrđenog dana u 2022. godine nabavio u cilju prodaje i prodao H.M. PMV marke „Mercedes C220“ registarskih oznaka ..., broj šasije ... , za neutvrđeni iznos novca,
21. Tačno neutvrđenog dana 2022. godine nabavio u cilju dalje prodaje od D.H. PMV marke „Chrysler PT“, registarskih oznaka ..., broj šasije ..., a koje vozilo je od strane policijskih službenika FUP Sarajevo privremeno oduzeto od H.U. o čemu je izdata Potvrda o privremenom oduzimanju predmeta FUP Sarajevo broj 10/2-164/22 od 13.04.2022. godine i povjereno na dalje čuvanje Federalnoj agenciji za upravljanje oduzetom imovinom po Naredbi Općinskog suda u Zenici broj 43 0 K 202645 22 Kpp 14 od 12.06.2023. godine,

Dakle, neovlašteno se u većem obimu bavio trgovinom,

Čime je počinio krivično djelo nedozvoljene trgovine iz člana 267. stav 1. KZ F BiH.